



17.november 2020

UKA2020/41/46/85

**41: Ilinniartitaaneq sorleq, assassornikkut atuagarsornikkullu Inuit Kulturitoqqarput pillugu ilinniartitsiviusinnaasutut piukkunnarnerullunilu ukkatarinnilluarnerusinnaanersoq pillugu Naalakkersuisut misissueqqullugit peqquneqarnissaannik inatsisartut aaliangiiffigisassaattut siunnersuut. Misissuinermittaaq ersarissarneqassaaq ilinniareernerup kingorna, ingerlariaqqiffiusumik ilinniaqqinnissamut, suliffissaqarnikkullu periarfissat suusinnaaneri, nunanik allanik sulqateqarnikkut periarfissat, aningaasatigullu kingunerisinnaasai, iluaqutissat ajoqutissallu, kisalu ilinniagaqarfimmut pioreersumut ilinniartissap inissinneqarsinnaaneranut periarfissanut tunngasut ilanngullugit misissorneqassallutik. Misissuinerup inenera kingusinnerpaamik UKA2021-mi Inatsisartunut agguanneqarsimassaaq. (Inatsisartunut ilaasortaq Peter Olsen, Inuit Ataqatigiit)**

**46: Inuusuttut 16-it 26-illu akornanni ukiullit sulilersut imaluunniit ilinniakkamik ingerlatsisut amerlisarneqarnissaat siunertaralugu immikkut iliuseqarnissamut Naalakkersuisut 2026-ip tungaanut aningaasatigut allaffissornikkullu sinaakkutissanik ilaqartumik periusissiamik UPA-mi 2021-misaqqummeeqqullugit Inatsisartut aalajangiiffigisassaattut siunnersuut. (Inatsisartunut ilaasortaq Múte B. Egede, Inuit Ataqatigiit)**

**85: Qanoq illoqarfinni nunaqarfinnilu suliffissaaleqiffiusuni qarasaasiakkut attaveqaatitigut assingusutigulluunniit inuusuttunut inersimasunullu misiligutitut pikkorissartitsinernik ilinniartitseqqinnernillu neqeroorteqarsinnaanermik pilersitsisoqarsinnaanera pillugu nassuiaammik kingusinnerpaamik UPA2022-mi saqqummiuseqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. (Inatsisartunut ilaasortaq Tillie Martinussen, Sulqatigiisitsisut)**

Inuiaqatigiit ilinniartitaanikkut aqqissuussaananeranni pingaaruteqartorujussuuvoq nunaqartut pingaartitaanik, naleqartitaanik aammalu tarrarsorfigisinaanik tunngaveqartumik imaqartitsinissaq. Pissutisit ilisarinnasat aammalu imminut iluaqutigisinnasatut isigisat atornerqarluarsinnaatillugit ilinniakkatigut aammalu paasinnissinnaanermut annertumut aqqutissiuussisarput.

Tamanna tunngavigerpiarlugu Atuarfialak eqqunneqartussanngormat tunaartaapput. Ilinniartitaaneq kalaalpalunnerusoq, avatangiisimik atuinerusoq, atuakkat kalaalpalunnerusut aammalu ilinniartiteriaaseq kalaalpalunnerusoq tunngavigalugu ilinniartitsineq. Meeraanitsinnit atuartaanitsinnit ila ila alloriarneruvoq annertoq pingaaruteqaqisoq, tassalu imminut inuiattut isigisin-

# Nunatta Qitornai

## Inatsisartuni



naalluni tarrarsorsinnaalluni ilinniartinneqarneq atulerpoq. Uagut meerallua qallunaanginnangajanik ilinniartitsisoqarpugut, atuakkavut qallunaajaqqatulli ittut aammalu nunatsinnut tunngasunik atuagaqanngingajalluta.

Maanna nunaavugut inuiaat kalaallisut kalaalliussutsimillu pingaartitsinermik tunngaveqartumik ilinniartinneqartut. Ilisimatusarnikkut kalaallit kulturperput tunngavigalugu ilinniagartuunngorfeqalersimasut aammalu kalaallit pingaartsitavut tunngavigalugit isiginnaartitsisunngorniarfilik, kalaallisuuliorfilik, atuakkat kalaallisut allassimasut ilinniartitsinermi annertuumik inerisaavilik aammalu amerlalluinnartunik pikkorissorsuarnik kalaallisut oqaasilinnik ilinniartitsisorpassualik.

Naggueqativut qissimilaaraanni amerlasuutigut kulturikkut qilaatikkut, atisaliornikkut allatigullu kulturitoqqaminnik tammatsaaliilluarlutik ullumikkut tassuunatigut pisoorsuupput. Aappaatigulli aamma qiviarneqarsinnaavoq ilinniartitaanikkut inuiaassusaat annertuumik tunngaviginagu ingerlatsisoqarnerata kinguneranik oqaatsitigut pingaartitat annaajartuinnarneqarput aammalu kulturiminnut tunngasunik ilinniartitsineq atuarfiup avataanut inissikkaluttuinnarpoq.

Inuiaqatigiittut uagut tamanna eqqummaariffigisimagatsigu qujanartaqaaq. Oqaatsivut sorsuutiginearlutik aammalu nikangineqaratik salliutittuarnissaannut sulisimasut nersorusuppakka, taakuummata ullumikkut oqaatsigut tunngavigalugit inuiaassutsisinni nukittoqutiginerpaasatta ilaat pigiinnaratsigu.

Kulturitsinnik qangaaniillu pigisavut eriagalugit pinerput ullutsinni annertuumik takussutissaqaaq. Nuannaartunaqaaq takullugit arnat angutillumi inuiaassutsisinnik tunngavilinnik kakiorneqaqqilersut, atisaliortut kalaaleraluttunik designeralutik iluasilersuisut aammalu kalaallisut oqaatsitta salliujuarnissaannik iliuuseqartut tassaapput uanga isumanni naalagaaffinngoriartornermi nukissuaq angisooq ersertoq, tuluttut taaneqartartut nationbuilding.

Timikkut anersaakkullu suut tamarmik ataqatigiinneri pingaaruteqaaq, aamma ilinniartitaanikkut. Taamaattumik nuannaarutigisarpa maanna nunatsinni ilinniartitaanikkut kalaalliussuseq pingaartinneqarluni inissisimanagera aamma ilinniarfippassuarni pingaartinneqarlunilu qitiutinneqarmat. Pisutsit taama ittut ukiut 30-it matuma siorna takusimanngilagut maannakkulli ulluinnarsiutigaaavut. Torraangisaqara assut.

Taamaammat naalackersuisut akissuteqaataanni erserpoq ilinniartitaanikkut ilinniartitsiviusinnaasut pillugit ukkatarisassat pingaarnersiorneqartuarnissaat pingaaruteqartoq aammalu ingerlari-aqqiffiusinnaasut nalilersortuarnissaannik oqariartuuteqarnerat isumaqatiginaqaaq, uaguttaarlu imm. 41-mut siunnersuuteqartoq taparserparput.

# Nunatta Qitornai

## Inatsisartuni



Imm. 46 aammalu 85-mut tunngatillugu itigartitsivugut ingerlanneqartunut pioreermat aammalu siunertaasoq paasillugu kisiannili assigiinngitsutigut inuiaqatigiinni atuutsinneqareereri peqqutigalugit.

Siunnersuuteqartunut qujanaq.